

華嚴懸談會玄記卷第十二

蒼山再光寺比丘

普瑞集

野

鈔又出現品下下疏云藥王遍益喻喻恩德種種利生故然法喻皆說六根清淨不唯局見聞也今但證於見聞故但引見聞經文等餘文也

野二

具云若有煦者鼻得清淨若有嘗者舌得清淨若有觸者身得清淨若有衆生取彼地土亦能爲作除病利益合中具云若有得煦如來戒香鼻得清淨若有得嘗如來法味舌得清淨具廣長舌解語言法若有得觸如來光者身得

清淨究竟獲得無上法身若於如來生憶念者則得念佛三昧清淨若有衆生供養如來所經

土地及塔廟者亦具善根滅除一切諸煩惱患得賢聖樂佛子我今告汝云○鈔又云佛子下疏云如來秘密藏經明罵藥服之得力罵沉燒

已還香

沉香彼經云赤栴檀今義引耳又

罵佛亦

勝敬諸外道若爾豈無罵罪耶罵罪非無今

彼經又舉罵燈燒之亦能除暗

語遠益故法華中跋陀婆羅

此云等罵不輕

千劫墮於阿鼻地獄受大苦惱畢是罪已還

受不輕菩薩教化謗尚遠益况深信解行證

悟耶弘持之者勉思此文。○鈔上雖明下應有問言如上引經足見聞佛益將此證上見聞法益佛法既異焉證不成故答此也。上雖說見聞佛之益乃是華嚴中所說無礙法界身雲即教理行果四法中果法也以經爲門。

故如謗常不輕菩薩却名謗法華經例此可知因不輕記四衆修菩薩行即四法中行法也。○鈔舌根嘗法味故者有二意一云亦答前難也以連前有二故自爲二所以答前難也此意謗佛時舌根嘗法味故雖謗佛亦成聞法益也二云別通

一難也謂有難云既有毀謗云何成益故此答也意云口道佛名方起謗故生公云佛名起自聞謗之日即涅槃經意彼云菩薩今隨謗時稱佛名而起也○鈔賢首品下證聞法益也下疏云佛出懸遠金剛刊定記云如釋迦彌勒中間相

去一千一百萬餘年也已難可遇唯初成頃說故希有也奇謂初能具後根本法中一代枝末教也特謂迥出諸乘此句讚也下文勸也聞謂遇經忍可謂信因百鈔云忍可皆所謂勝解謂於諸事事亦印持故是信因信則心淨受謂領文領義讚乃通言通筆說唯約言上

皆所作總說昔難今意若聞已甚難即顯聞已其益深矣○鈔兜率偈讚品者亦證聞法益也下疏云初偈及顯次偈順明由聞實法能成行法後偈由聞理智成於果法○鈔設有發心下若依權教設爾發菩提心亦不真

實以所詮未臻極故○鈔獲於十眼者經說得三昧名無礙眼義含十眼如前教迹中引今但約義言之言善財童子者問准旨歸善財在造修中今何在頓得內答旨歸約對權故在造修今約一生頻能圓滿故在頓得又

賢首以善財爲解行生故在造修清涼以善財兼證入故在頓得或可所望別故望寄位修行在造修中望一生圓滿在頓得內○鈔如隨好下以等法界三業者疏云由昔起過既徧諸境今悔昔非故運三業等衆生界一

一佛前及衆生前發露懺悔夫懺悔者湏識逆順十心此依天台止觀第三中意順生死十心者一妄計我人起於身見二內具煩惱外遇惡友勸惑我心隆盛三内外既具滅善心事不喜他善四縱恣三業無惡不造五事雖不廣惡心

遍布猶如獵者萬般禽獸總帶殺心慳貪之  
者舉世資財無一不要事未必遂惡心遍布  
六惡心相續晝夜不斷七覆諱過失不欲人  
知八虜扈順之貌不慚不抵突不畏惡道九無慚無  
愧不懼凡聖十撥無因果作一闡提次起十

種逆生死心從後翻破前十一明信因果終  
無自作他人受果二深自尅責天見我屏處  
罪人見我顯處罪生慚愧心三怖畏惡道人  
命無常一息不追千載長往豈可安然坐待  
酸痛四不覆瑕玼玉內有病爲瑕玼五斷相續

心已能吐之云何却歟六發菩提心七修功  
備過翻昔三業造罪不計晝夜八隨喜他善  
九念十方佛翻昔親狎惡友信受其言十觀  
罪性空○鈔結云若如是知下罪性非有從  
顛倒生無所從來亦無住處非無如幻如影

招妄果報而不差失離斷常故深達罪福相  
也故涅槃經中阿闍世王云若我知是法畢  
竟不造罪故圭山云雖悟理而不息業云欲  
懺悔竟何益歟○鈔說此法時下餘衆獲益  
經具云以三昧力聲普聞故○鈔又諸下是

前所說地獄天子所持供具言而成大益者聞香得九地見蓋得十地故也言其身安樂者由脫障故得解脫樂故喻四禪無入災患

初禪出憂二禪出苦三禪出喜第四禪無出入息也

言若有聞者下合由滅障故得淨善根是爲

野三

四

益相彼諸下所威八萬四千如前已辨言了知等者能滅謂惑本虛居然不生○鈔出現品云下疏一明因果交徹此中若是事成云何同一性若是理成云何成正覺入涅槃耶此是華嚴大節圓宗之義不對諸宗難以取

解然諸衆生若於人天位中觀之具足人法二我小乘唯是五蘊實法大乘或說但心所現或說幻有即空人法俱遣或說唯如來藏具恒沙性德故衆生即在纏法身法身衆生義一名異猶據理說更有說言相本自盡性

本自現不可說言即佛不即佛等若依此宗舊來成竟亦涅槃竟理不疑事八相成故事不疑理皆同一性又理理融事故事一成一切成事不疑理都無所成以理成雙開之難也若爾何以現有衆生非即佛耶答若就衆生位看尚不可見唯心即空安見圓

教中事如迷東謂西正執西故若諸情頓破  
則法界圓現無不已成猶彼悟人西處全東  
若爾諸佛何以更化衆生不如是知所以湏  
化此名究竟化廣鈔第十二云一約理觀他  
是佛約情觀已足凡已成恭  
教之行二約情計觀他是凡愚苦身約悟解  
知我同佛智可謂能救以成大悲之行三俱

野二

五

約事相觀佛勝以增自利之行觀衆生劣以  
增利他之行四俱約性以成無我平等究竟  
解行自利利他隨門不同種種有異約成佛  
依此方爲究竟

重見蓋遇光合為一重故為第三重也問聞  
香見蓋理合第二重遇光却是見蓋之轉益  
當第三重今何云爾答理實應爾今以聞香  
唯得九地見蓋及遇光同得十地約其益相  
同故合為一重也或可第三重字文雖在初意

目遇光為第三重舉其能益顯轉益爾則見  
蓋者望前第一重為轉益望第三重為能益  
也故鈔云上下影顯思之○鈔會釋經文等  
者以今疏會釋發心品中文也所以會釋者  
以法慧說十住等時既有此十因此因緣二也通於

會今釋說大部經必有所由今開於因緣各  
有十義不同彼因緣相參若以疏文對會彼  
十因則因緣易知也世尊本願力故即酬宿  
因也由願起行行含願中次句欲說佛法利  
今後故次句以智慧光普照解了一切佛法

方能行勝行故次句開闡性習二性生菩提  
故為真實義是因性故次句證得法界之性  
法爾常徧說故次句知衆生根順其機感說  
法令喜故又示衆生真俗性相名為真法以  
令解了悉歡喜故次句由離障故入佛法位

野三

六

至因圓故并次句是果滿皆名地位故又既  
已果滿果德具足故次句契證了達甚深法  
界為諸教本末句說如是法明是說因此上  
皆取下疏鈔意說之上約麻照具配十四若會解意第  
二句全同下八句但皆是因然文不全同不

必配今九因若配非今鈔意今既以下疏鈔  
意配釋配亦無妨○鈔十因舉二下問神力  
即緣中加者何名因耶答因緣望所起果俱  
得名因於能起中親疎之異名因名緣○疏  
說時方人等者時方人各各不一故致等言

此即內等名等非外等名等○鈔信聞二種  
等者如是者信成就也智論云佛法大湧信  
爲能入智爲能度信者言是事如是不信者  
言是事不如是故肇公云如是者信順之詞  
我聞者聞成就也我即阿難五蘊假者聞謂

耳根發識親自聽聞言在佛滅後者以佛臨  
涅槃時阿難請問四事佛一一答之此問一  
切經首當安何等佛言當安如是我聞等六  
成就也此二成就雖佛勅令安然在結集時  
方安此言故非起經之緣○疏一依時者十

緣皆言依者教依此十爲緣方得起故又此  
疎緣要依親因方始有力能起果故具斯二  
義故皆云依○疏夫心冥至道者心謂真智  
至道即至極之道體目真如意是遊履義以  
是根本智所遊履故又是出生義以智冥理

野一

七

出生萬德故此文通後三教之義終教則始覺契於本覺頓教則絕待智契絕待如圓教即無障礙智契無障礙理言渾一古今者渾者融也一者周易云一陰一陽之謂道彼疏釋云一謂無也今意真智契理渾融無古今

也○鈔拂迹顯實者拂可得迹顯真實理故○鈔故肇公云者即涅槃無名論注云古今通體始終同源窮本極末未曾有二同一真體○鈔生公下即法華見寶塔中意釋二尊並坐之文也彼云多寶在塔全身不散表本

覺不動智釋迦從外同入坐者表始覺智而

契本覺古亦今也多寶即釋迦今亦古也釋迦即多寶彼表始本非一非異今但取無定

古今之時也○鈔無生即無三世者況論三世即有五種一剎那三世前剎那爲過去後剎那爲未來中剎那爲未來中利

那爲現在二長時三世如有情未生已前初生至化身謝已後爲三世也  
謂觀現在業行比知當來之果報名爲未來觀現在苦樂等報凡知過去之因便於變識上念引起道理爲三世也

今於五中五種皆無而偏云剎

那安有時分者細者尚無況其鹿耶○鈔出現品等者總引三文證於二義初出現品證約法顯實意云真如所證之法既無生滅豈有三世之時○鈔下經偈云下二段證約人顯實此寶幢偈正如鈔引言畧舉人證者疏

野一

八

中缺約法證故言寶幢者下疏云以圓淨智照平等理不礙應現隨順一切如摩尼寶故衆生如是下二句牒妄情如來下二句佛非世法故不繫日○鈔法界品云者應義引即七十三經大願精進力救護一切衆生夜神

所說文也善財問發心久如夜神答之經正云善男子菩薩智輪遠離一切分別境界不可以生死中長短染淨廣狹多少如是劫數分別顯示何以故菩薩智輪本性清淨遠離一切分別網超越一切障礙山隨所應化而

普照故

今鈔引文前却又多數字致前  
三句宛似偈文以經對鈔可知

次喻之云譬如日輪無有晝夜但出時名晝沒時名夜菩薩智輪亦復如是無有分別亦無三世但隨心現教化衆生言其止住前劫後劫然他宗以今成爲近迹昔成爲遠本乃廣辨

本述以本獨爲勝不知久近對論皆是跡爾  
如法華中彌勒與大衆皆疑佛成道方四十  
年是菩薩執近迹而不知此理故佛以久成  
以斷彼疑是隨機對說今此經佛與菩薩約  
人約法皆以契實即無古今隨機即有古有

野二

九

今久近雖殊然皆是迹故今並拂以顯實也  
○鈔就德顯圓者前拂迹顯實尚通實頓二  
教彼亦離時故況圓教具德圓融耶無涯徹  
於三際事也稱性常恒理也一念即攝一切  
劫理能融事理事無礙念劫圓融事事無礙

四義渾然故德圓妙不爾何名就德顯圓耶  
○鈔自受法樂等者十地論說即所得智慧  
寂靜樂也何故顯已法樂爲令衆生於如來  
所增長愛敬心故復捨如是妙樂悲愍衆生  
爲說法故○鈔旨歸但云等者彼正云四攝

同類五收異類六念攝劫七復重收八異界  
時九彼相攝十本收末今鈔即全依疏書之  
云今加一字耶鈔於前無邊下以遍三際中前後際  
各無邊劫同類相攝等○鈔如今娑婆下間  
初唯一念二盡七日首偏一切今何云上七

重且約娑婆耶答今就此界聞說以爲其首則起處之時在此而偏無盡故言今辨樹形下問時無別體依處等立次說處中異類界後明刹種等今何不爾答異類之言已攝刹種等又時中初唯一念處中應明一塵如教

途中一塵遍五類法界等十以非劫爲劫應次明非處爲處等皆義無方影顯示故應審思擇○鈔刹既同處等者刹該同類異類也既同類刹異類刹同是處所而有同類異類形相不同故同類刹異類刹中時亦同是時

分不妨同類異類界時各別分齊非謂同處之言定是娑婆界中之異類界爲同處也其異類刹有二師義一云唯一同類界外異類若助正云其異類界之言有在娑婆等同類刹中有在同類界外各別安布故下依處○

野二

+

鈔中云向明異類且舉百億中異類既云且舉不必定爾此中異類界時通於二義有在同類界內有在同類界外後依處鈔中第三唯明同類界中異類第四偏刹種方該同類界外之異類也欲顯前狹後寬故此中通二義

者無後相對故然有十異至後當會○鈔九  
彼此相入下二義釋之即彼下標初義若念  
若劫下釋初義此段兩用什初且如樹形世界中  
同類劫相攝四異類劫相攝五以念攝劫六  
念劫重收七重重無盡同前娑婆一類界中

四五六七樹形既爾江河形等准知言或同  
異類界時下標第二義若念若劫等復更釋  
之謂前七娑婆同類界時與第八異類界時  
彼此各有攝入之義以同類界中長劫攝異  
界長劫短劫攝於此亦然同前同

類界中長劫攝異類界中短劫短劫攝長劫  
互入亦然同五以同類界中念攝異類界中劫  
以異類界中念攝同類界中劫同六又以所攝  
劫中各分爲念亦各攝劫等重重無盡同七鈔  
以非劫爲本者以時劫稱性離分限而常契

理故云本也劫即爲末者以劫波此云時分  
說彼差別此即事也爲末今以本收末故令  
末中一切時分皆如理融攝故得一一攝一  
切時也此則由第十義故方得前九隨義融  
攝皆自在也言離分限者出非劫所以也○

鈔如華藏下舉一例顯也以華藏品經云華藏世界海法界無差別故劫即非劫念即非念約不壞相不妨有劫念等華藏既爾例錄華藏之外十方無間刹海所有時分亦然言以時無長短等者釋成非劫爲劫所以也初

句釋成非劫而言以染時分者釋成爲劫也以染形彼淨故謂華藏無三灾成壞等故以染界擬之而說劫數耳有本鈔云以離非染字也時分說彼劫故者不必作形染計乃蹠上非劫而結成爲劫也言以時無別體下復通釋非劫爲

劫劫即非劫義也時既法上假立別無自體今法既融通能依之時亦融也所以得云非劫爲劫劫即非劫爾○鈔離世間品下疏云即無等智由照徹故不偏住著雙住理事名無與等經說卜種此當第六故○鈔又此一部下釋前重通再難也謂前難云畧本至少安窮無盡邪故此答云又此一部等此即與前如觀牖隙見無際空等義意無別上依助正若寂照即於前法爾意外更有此意謂此一部即無邊結通無盡勿濫前義不爾既已

如前法爾何云又耶今詳二解前釋近宗前  
法爾中通二重難今疏唯舉初重鈔云又者  
通第二重也○鈔難云等者等字等七七八  
七并五十箇七日也下疏云法華過三七日  
方說小經云我始坐道場觀樹亦經行於三七日中思惟如是事四分律

野三土

中說六七日方說法興起行經七七日方說  
五分律八七日智論五十箇七日有云與十  
二遊行經一年大同言四分六七日四分律  
云佛坐菩提樹下七日受法樂起已受二賈  
客麁蜜食已即於樹下趺坐七日遊解脫三

昧起定由食麁蜜身內風動有樹神獻訶梨  
勒果食已風除復坐樹下入三昧起已至一  
齋鞞羅村乞食婆羅門施食食已更詣一離  
婆那樹下七日思惟起已復至彼村婆羅門  
婦奉食食已復詣前樹下復七日不動起已

還至彼村乞食時婆羅門男女奉食食已  
即詣文驛水龍王宮文驛樹下跏趺七日一  
思惟時天雨極寒龍出宮以身繞佛舉頭爲  
蔭過七日已龍化作少年禮佛讚歎已佛起  
龍樹下便詣阿踰波尼拘律樹下坐而作是

念我法甚深何器可受恩惟默然時梵王等  
遙知即往禮請轉法輪等上皆據眾伎文言興起行  
經七七日普會解記云嘗讀此經即無此說  
後讀出耀方見此文出曜經第八云佛受二  
賈客食呢願已爾時世尊七七四十九日默

野一

十三

然不說法內自思惟欲使前人自來請受時  
摩竭人民聞菩薩已成佛道晝夜懇惻追念  
如來教章亦指興起行經似失無對誤書經名爾言五分八七日  
者然五分律與四分律雖引事不同皆是六  
七教章又指十誦律亦無此說如五分律第

十四云佛敷草座已繫念道品三明洞然趺  
坐七日受解脫樂從三昧起受提謂波離二  
人麁密呢願已復至一樹下食食已復入三  
昧七日後起到文麟龍王所坐一樹下龍奉  
食食已復入定七日起已到齋禪斯那聚落

入村乞食湏闇胞女奉羨食食已還菩提樹  
下三昧七日起定復至其舍姊妹四人奉施  
食食已還菩提樹下三昧七日復起向阿豫  
波羅尼拘頰樹中路見一女人鑽酪作酥就  
乞食已復至樹下三昧七日過時已復從三

昧起作是念我所得法甚深微妙難解難見  
非愚所及佛即默然梵王等遙知即請轉法  
輪方往鹿園度五人也上亦最  
卷後文是說此經之時隨根見聞故各不同也○  
疏廣如旨歸者彼更問云若爾何故佛有涅槃

耶答本不涅槃法界品說開旃檀塔釋羅  
中亦見三世佛無涅槃者既爾何現涅槃答  
涅槃亦是說法攝生與成道說法無別故○  
鈔普賢三昧品等者疏云身相如虛空法性  
身而住法性土也假說能所而實無差云非

國土○鈔無能所依尚通實頃者會之泯之  
故分二教皆是拂迹故云通也況於下舉劣光  
勝也○鈔刹塵即入即下通局交徹二四句者  
即此一界攝一切此一界入一切等第二種四句  
又一塵攝一切刹一塵遍入一切刹等四句即下

計二

古

疏云又以一塵例刹亦有四句義兼初一重四句  
初重四句無即入故第二重四句但例即入以塵  
例刹方有刹塵即入義故對下疏鈔可以詳審  
○鈔不壞相故不妨立時者以牒不壞相言即  
走牒疏中不壞所依既牒不壞所依之處故須

云不妨立處今以前依時中意例依處故有本中是處字其義彰顯○鈔然首歸下會時處先後問首歸中先依處後依時何以今先依時後依處故此答也意云首歸以七處等先已有故佛出於世後方始說經今疏意欲順經初言

一時後言住阿蘭若菩提場中等故問今順六成就者何不依時依主依處爲次耶答今順六成就中先明說時便明說處者即以時處爲一對依主是人依二昧依現相是法即人法爲次却疎依主爲第三也又以有所依

之時處方有能依之人爲次也問六成就中何以先時後處答言且便故○跋摩竭者此云無毒害法華鈔云上古有王率領此國賦性仁慈有犯罪者不行殺戮輕者以寶贖之犯重罪者被駁出國不行毒害因此爲名又

野三

十五

云摩者遍也竭提聰慧也聰慧之人遍其國內言華藏者蓮花含子之處目之曰華藏今刹種及刹爲大蓮花之所含藏故云華藏○鈔娑婆者此云雜會雜惡衆生共會一處故又正曰索訶此云堪忍謂諸佛菩薩於一切

雜惡衆生中行利樂時多諸怨嫉衆苦逼惱堪耐勞倦而忍受故如提婆達多數欲害佛等欲彰所化弊惡能化悲深常以警之故立斯名言欲界者下地貪著弊欲曾無厭足唯此爲界故名欲界○鈔華藏世界六種震動

者諸會結通之中皆有此文故言其地堅固者迺世主妙嚴品第一卷初文也言娑婆迺是土石諸山者即法華經妙音菩薩品文也○鈔亦如螺髻下即淨名經佛國品中意梵云尸棄此云寶頂或寶髻亦名螺髻即初禪

梵王也自在天宮即第六欲它化自在天宮也爲有勝天今空勞天變化五塵於中受樂願已自在故以爲名戰公闢

疏云舍利弗在人而見土石梵王居天見如天宮問螺髻是初禪梵王應例如色界何故如六天耶答有二意一云靈鷲等處正在欲

界且指欲界最妙之處以爲例耳二云以身在欲界佛會中若言如初禪天宮欲界人天不能了知爲欲令欲界人天俱了知故且就欲界最勝爲論問梵王見雖同欲天尚是穢土何以證淨義耶答雖非是淨但證前隨舉


所見不同之義且佛土真淨超絕三界豈直如天宮世淨而已哉設有七珍穢衆生住故亦非淨土也此蓋齊其所見而爲言耳○鈔華藏品下正引當經證也下疏鈔云喻衆生同處異見佛本無二金色銀色刹本是一見淨土穢土○鈔即

野二

太

二四句下即第二重淨穢無礙四句中第三一句淨穢隱顯無礙勝劣二根同見故刹體自在故未能窮究四句融通玄妙之義故云近宗若爾計二義亦淨穢無礙初重四句中初師得初句第二師得第二句何以偏此近

宗答雖各得一句前二師淨穢各異義局淺故後一師且知刹該淨穢稍深於彼故云近宗○鈔前一四句以本刹末刹相望成四句下一節鈔文釋此四句作二種本末口科分二



○鈔華藏為本刹等安問華藏既含諸刹何言淨耶答成就品疏云就佛言之故無國而非淨也一切淨穢等土皆是如來通慧力成爲物而取擬將普應○鈔若寬狹相望自屬通局者此有二意若汎論寬狹則本刹通末

野二

士

刹局若以本刹唯淨未通染淨則本局未通雖有二意皆屬通局非此所論○鈔上三皆約事者第三紙論娑婆在華藏中亦非無礙故云皆約事明○鈔故華藏品下疏云初句標名次句不壞分量即同真性次句具德莊

嚴末句無礙安住今此中意初句望第二句證事末不礙理本第二句望後二句證理本不礙事末或可通證染淨本末華藏不壞分量應劣根故染證初句極清淨故淨證第二句不壞總分量故華藏不壞別分量故華藏

內娑婆證第三句皆即同真性染淨相盡故證第四句既全不壞即同真性明知四句渾融無礙○鈔不論本末染淨者不濫前四句故亦揀非也今正約下顯是也以前四句此娑婆對華藏故唯稱染今於娑婆再分故通

染淨亦作二解初約刹體隱顯論二就機見勝劣說言俱約二人同見者謂勝機所見淨顯穢隱劣機所見穢顯淨隱同時無礙所以然者刹土體性自在故○鈔前四句約一重等者不論相攝又約人劫王處說一在此界七

處說二十方諸刹有佛與此齊說上二事也三即此一佛七處如月入百川不分而遍事事無礙也四以前三句歸理後四句攝入無礙前三句事事無礙第四句以前三句歸以平等○鈔以龐例細者問疏云以塵例刹科

中何言以龐例細答疏中先言所例後說能例科先舉能例後說所例前後雖異大意無差言引文如前者即依中現依等中引第六經偈云佛刹微塵數如是諸國土能令一念中一塵中現若作四句者一或局此一塵

野

六

攝一切國故二或通此一塵入一切刹故三俱即攝即入故四泯形奪相盡平漫四句例知鈔四遍塵道者即空中塵往來遊履之道雖舉所遊之道意聖能遊之塵也肯歸云謂十方虛空界之一塵處皆有彼刹悉於中現演說

此經即取十方與娑婆同類中塵道也六該  
刹塵者旨歸云謂盡虛空界一一塵道各亦  
同前攝自同類無量刹海而於其中亦說此  
經八重攝刹者旨歸云謂於此華藏一一塵  
中皆攝無邊諸佛刹海皆於其中說此經法

○鈔以歸華藏等者旨歸云謂此等一切雜  
染世界各皆同盡唯是華藏世界海即此前  
鈔云事盡理顯染相盡故雖畧無佛淨相之  
文義含在中今言旨歸文云下義引也今疏  
加第五遍華藏但取事相不約同真之義○

鈔此亦賢首下通妨問既破判定不依賢首  
今何不取旨歸中義故此答也謂中間六義  
雖有取捨離合排次初一及後二與旨歸同  
中間六意亦是賢首八十卷經新修畧疏中  
光明覺品疏意叅詳用之耳○鈔菩提樹者

三

九

西域記云迦維羅衛國於前正覺山山西南  
十四五里有畢鉢羅樹昔佛在世高數百尺  
屢經殘伐猶高四五丈佛坐其下成等正覺  
因而謂之菩提樹焉言闍浮提者新云瞻部  
俱舍云無熱惱池側有瞻部林其形高大其

果甘美提言洲也水中可居曰洲依此立名  
言七處皆爾者經既云一切闍浮提及十方  
須彌頂亦然即顯初會及第三會已遍法界  
餘則類此故云七處皆爾謂佛遍此界七處  
亦遍盡法界中之七處故疏云初此闍浮七

處周法界起自此界七處故最狹而他界中  
但有七處俱爲能遍法界爲所遍此所遍法  
界最淺下說能遍所遍准此明之而能遍漸  
寬所遍漸深言文中但三賢下即須彌夜摩  
兜率三天也言義如下疏者須彌品疏云初

二會相隣接故不假帶前赴後此三人天隔  
越故須連帶又此三會同詮賢位第六會已  
入證不假帶前七即位中普賢又客雲於妙覺居  
然不假第八頓彰五位體用已融七八亦在  
普光與菩提場相隣人天隔越尚爾况相隣

豈不融耶第九唯明證入體用一味故不假  
帶前赴後上皆明佛不起而遍○鈔大海鐵  
圍者光明覺品疏云大海即七重金山外鹹  
海也百抄云海闊三億二萬二千喻緒那量  
周圍三十六億七百五十喻緒那量  
邊面各五萬六千二百五十喻緒那量  
四

州者東云勝身勝餘洲故形猶西云牛首以牛貨易故比洲相圓北云勝生壽定十歲永食自然故此洲相圓欲界六天四王初利夜摩樂它化樂化色界十八初禪三天謂梵衆梵輔大梵二禪三天謂少光無量極光三禪三天謂無雲福生廣果無想無煩無熱善現善見色究竟天無色界

野二


于

四天空無邊處識無邊處無言各有百億者已上數各百億故此依黃帝算法下等數法然有三等數法下等十變之上等倍倍變之中等百變之上等倍倍變之十十變之從千已上依中等數法百百變之謂百小千方百萬若約小數十萬是一應謂十小小千箇


小千爲中千方是十萬約小數百萬即十億則有十箇中千始爲百萬千萬小數方是一億千億有億數既十中千爲一億百中千爲十億千億小數今有千箇中千故有百億耳萬億小數下鈔云若以小數計有萬億也○鈔百億色究竟天者下鈔云初禪量等四天下二禪量等小千界三禪量等中千界四禪量等大千界是知三千世界中有百億初禪百萬二禪一千三禪唯一四禪問准此唯一色究竟天覆三千界何故亦言百億耶答且如二禪直語其量等千初禪以千初

禪向上取之則有十二禪如是百億初禪向上取之則有百億四禪譬如夏雲普覆九州若以州取則有九雲若以郡取則有四百餘雲若以縣取千數未多或云一雲普覆或萬國或言萬國各有夏雲思之可見然此百億世界在華藏

冥中大刹種之中當第十三重今畧圖示其相



○鈔三遍異類等刹者此一遍字即佛遍樹形等刹樹形等刹爲能遍法界是所遍今且以娑婆望彼名異類若以一類樹形望娑婆等娑婆却爲異類不爾何以娑婆獨名同類耶言結不可說不可說等者此中多一不



說字經正云有不可說佛刹微塵數此正是最中刹種所持○鈔且舉百億中異類者此有二釋若審照等云是最中一刹種中所有一類娑婆世界中異類之刹謂如娑婆世界中同有百億世界不妨有形狀不同之異類刹也今方總明刹種此兼娑婆世界外異類

刹種異類十不可說佛刹微塵數刹種相望論異類也四刹海異類即十方無間盡法界之刹海相望論異類也故此下云異類之言雖通華藏等今此異類該前二異類也謂小刹及大刹百億中言含二意故若在內爲中

此意同前助正有二異類若審解云且舉百億同刹種所持中異類非是百億界中自有異類也評曰今詳異類之言有其四類一小刹異類如百億界中自有異類也二大刹異類如一刹種中二十重刹相望有異類也三

即小刹異類若同處爲中即大刹異類前二釋皆取方爲正義○鈔然異類言雖通華藏下通難也問但言異類豈不通華藏耶答異類言總雖通華藏而意別唯取小刹大刹異類耳此影利種問卷○鈔言遍刹種者下疏釋種義

云積多世界共在一處攝諸流類故名爲種  
問若爾前異類中已遍所攝多種世界今遍  
刹種將何所遍答下疏云雖依種類以立種  
名何妨此種別有其體如多蜂孔共成一窠  
豈妨此窠別有其體又云種亦多性性是因義依

二云何次寬於前二耶答豈不前云此種別  
有體爲前世界依起所以寬於前也

此種性能生世界如依一禾生多穀粒舊經  
云性多取此義恐濫體性故改爲種今此最  
中之種即雙攬第二同類第三異類並是此  
中刹種所持若約與前寬狹異者第二唯同  
類三唯異類此中雙取爲種若爾但雙攬前

三

主

華嚴懸談會玄記卷第十二